

Te Heheuraa Api

E ITE IÄ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENKIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

No 10

-- ATPOA 1949 --

MAT. 36.

E PARAU NA TE PERESITENI NO TE EKALESIA

NO NIA I TEIE NEI U'I.

Ua pinepine i te uihia mai e: E tia anei i te mau tamarii tamaroa e te mau tamarii tamahine, te tane apî e te vahine apî, tei paari i roto i teie nei u'i, i roto i te Ekalesia, ia farii ratou i te mau hamani-ino-raa, te o'e e te mau ati tei fare-reihia e to ratou mau metua no te Evanelia? E faarue anei ratou i to ratou mau utuafare, e to ratou mau maitai, no te haere e parahi i te hoê fenua apî no te maitai o to ratou faaroo?

Te parau atu nei au ia outou e, mai te mea ua tanuhia, i roto i to ratou mau mafatu, te ite no te mo'araa o teie nei ohipa, mai ta tatou e ite nei, mai te mea ua horoahia ia ratou te faaroo na roto i to tatou iho haapaoraa i te mau faaueraa a te Fatu, mai te mea ua haapiihia ratou e, o Iesu ra o te Mesia mau ia e e Peropheta mau o Iosepha Semita na te Fatu, i reira e parau atu ia vau ia outou e, E! e rave mau ratou i te mau mea atoa tei ravehia e to ratou mau metua tane e to ratou mau metua vahine, oia hoi, te raveraa i to ratou

tiaraa i roto i te nuu o Iseraela o te mau mahana hopea nei.

Mai te mea e o'e, mai te mea e ma'i, e a ore râ, te mau peapea atoa e tae noa'tu i te tiahiraa'tu i rapae i to ratou ra mau utuafare, te vai ra te hanere e tae noa'tu i te mau tauatini e rave rahi o to tatou mau tamarii tamaroa e te mau tamarii tamahine, tei ite i te Evanelia a te Mesia, te horoa i to ratou iho oraraa ei titiro no ta ratou parau faaite.

Te oaoa nei au no te mea te vai ra te reira tiaturiraa i nia i te mau taure'are'a tane e te mau taure'are'a vahine o te mau Feia Mo'a no te Mau Mahana Hopea Nei. Te tiaturi nei au e, te vai ineine noa nei ratou e to ratou faaroo, to ratou auraroraa e tae noa'tu i te mau mea atoa ta te Atua i haamaitai mai ia ratou ra. Ua faaetaetahia to'u nei tiaturiraa i te mea e, te hinaaro papu nei ratou i te haere ei mau Orometua hahaere. Te faarue nei ratou i te mau utuafare maitatai, to ratou mau metua tane e to ratou mau metua vahine e te mau mea atoa hoi tei herehia e ratou; te fariu ê nei ratou i te mau mea maitatai o te tino nei e te haere nei ratou, na roto i teie nei ao, e poro-haere i te parau no te Mesia, to'na faasatauro-raa-hia e te faaho'i-raa-hia mai o te Evanelia i te mau mahana hopea nei. Ua ineine noa ratou ia tae mai te titauraa, mai te mea ua haapiihia ratou i te parau mau.

Ua ineine anei ta outou mau tamarii tamaroa, e ta outou mau tamarii tamahine, i rotopu i tei ineine ra? Mai te mea aita, e mea tia roa ia haamata outou i te haapii atu i ta outou mau tamarii ia tia ia ratou ia haere e faarahi i to ratou titauraahia, mai te mea e titauhia ratou ra.

E te mau metua tane, e te mau metua vahine hoi, te haapii nei anei outou i te Evanelia i ta outou mau tamarii? E a ore râ, te tia nei outou ia paari ratou, ia riro ratou ei mau tane e ei mau vahine, a ite atu ai ratou e, aita roa ratou i haroaroa i te reira? Te faaineine nei anei outou i te mau tamarii tamaroa e te mau tamarii tamahine, ta te Atua i horoa

mai n
mure
râ, te
tia no
e ma

Ua
tamar
mau,
te faa
e, e n
faauer

No
pii atu
rii tan
aro o

Eial
te mea
te pap
te har
mata'
mau i
re'are
pao i
peape
ora m
tua, n
ratou

Are
te hinc
na ma
taime
ia ia
ratou
tou m

mai na outou, ia riro ratou ei mau ve'a no te ora e te ora mure ore i rotopu i te mau tamarii a te taata nei? E a ore râ, te faatau nei anei outou i te reira titauraa mo'a ra, a faatia noa'i ia ratou ia haere i te paariraa ma te haapao-ore-hia e ma te haapao ore hoi i teie mau mea i nia ra?

Ua papu roa ia'u nei e, mai te mea e taa ê atu te tahi mau tamarii no roto mai i te mau fetii o te Feia Mo'a i te faaroo mau, o ratou ia tei ore i tuuhia i roto i to ratou mau mafatu te faaroo i to tatou Metua i te ao ra e tei ore roa i haroaroa e, e noaa ia ratou te oaoa mure ore ia haapao ratou i te mau faaueraa a te Fatu ra.

No reira te parau atu nei au ia i tatou i te hinaaro ia haapii atu i ta tatou mau tamarii tamaroa, e ta tatou mau tamarii tamahine hoi i te reira mea te faaora ia ratou i mua i te aro o te Metua ra.

Eiaha roa tatou e feaa noa'e i to Ziona haereraa i mua, no te mea na tei mau papu e tei mau i te faaroo, te tae atu, ma te papu roa, i roto i te basileia o te ra'i ra ma te faaheihia i te hanahana, te ora mure ore e te tahuti ore ra. Aita vau e mata'u nei no te mau feia paari, te tane e te vahine, tei tatau i te faaroo. Aita atoa vau e mata'u nei no te mau taure'are'a tane e te mau taure'are'a vahine tei haere ma te haapao i te mau faaueraa tei haapiihia ia ratou ra. Aita vau e peapea nei no te mau feia, e ere no to tatou faaroo nei, tei ora mai te au i te maramarama tei horoahia ia ratou e te Atua, no te mea e haavâhia ratou mai te au i te ture i noaa ia ratou ra.

Area, te Feia Mo'a no te Mau Mahana Hopea Nei, tei ite i te hinaaro o to tatou Metua i te ao ra, tei ore i haapao i ta'na mau a'o, tei faaroo i te mau haapiiraa a te Fatu, i te tahi taime e i te tahi taime, e tei fariu ê atu ia ratou ra, e mo'e ia ia ratou to ratou mau haamaitairaa e e ore roa e noaa ia ratou te rê ia ore ratou ia fariu mai e ia tatarahapa ma to ratou mau mafatu ra.

Tihoti Arapera Semita.

EDITORIAL

TEI IA VAI TE TIA IA INU I TE AVA?

TE haere nei te pohe i te rahiraa i roto i te mau ati pereoo uira i nia i to tatou mau purumu. Ia haere te taata na nia i te pereoo uira, i te po, aita roa oia i papu e, e ho'i mai anei oia i te fare e aita anei. Te riro nei te taeroraa i te ava, i nia i te faatereraa o te pereoo uira, ei ohipa ri'a-ri'a roa noa'tu i te mau tamataraa o te mau ekalesia, e to te mau mutoi, no te faaoreraa i te reira.

Teie i raro nei te tahi parau tei papaihia e te hoê taata, o Charles S. Longacre to'na i'oa, no nia i taua ohipa inu ava ra:

“ I te tahi mau tau i mairi a'enei, a tere ai te pereoo auahi mai Washington atu i Chicago, te aparau ra te tahi mau taata no nia i te faufaa ore o te mau ture tei opani i te hooraa i te ava e te tia i te taata ia inu i te reira. Na ô atura te hoê o ratou: *Tei te taata te tia ia inu i te ava mai ta'na e amu nei i te maa.* Na ô atura te tahi: *E ohipa maamaa ia mai-ti no te mau ture tei faaore i te hooraa i te ava. E inu noa te taata i te ava noa'tu i te mau ture tei opani i te reira. Te faatureraa i te hooraa e te inuraa i te ava, o te haapeapea raa ia i to te taata tiamâraa, oia hoi, ia inu mai te mea ua hinaaro oia.*

I taua taime ra o te reira aparauraa tapuhia ihora te reira e te hoê taata horo patete tei ui mai i teie nei uiraa: *E teie nei mau taata e, ua tiaturi anei outou e, ua tia roa i te taata e faatere nei i teie pereoo auahi ia haapao i to'na tiamâraa e ia inu i te ava taero?* Ua tahoê te pahonoraa i te reira: *Aita roa.* Ui faahou maira taua taata ra i te tahi uiraa ê: *No te aha e ere i te mea tia i te taata e faatere nei i teie pereoo auahi ia inu i te ava?* Teie te pahonoraa i tuuhia mai: *Te titau*

nei te ture eiaha teie taata ia inu i te ava ia ore roa te oraraa o te mau taata i roto i te pereoo ia haapeapeahia. Ui faahou maira taua taata ra: Ehia taata faatere pereoo auahi e vai nei i America? Pahono maira ratou: E tae paha i te 60.000. Na ô maira taua taata ui ra: Ua hape roa outou, a taa ê atu ai na taata faatere pereoo e 60.000 te vai nei e 35.000.000 feia faahoro pereoo uira, tei tuuhia i roto i to ratou rima te tahi mau machine puai roa, i nia i te mau purumu, te vahi aita to reira e paruru. E ere anei i te mea tia ore atoa te reira mau taata ia inu i te ava, mai te mau feia faatere pereoo auahi? E inaha ua tuu atoahia mai te pahonora e, e mea tia roa ia faaitihia te inuraa ava i te mau feia faahoro pereoo uira."

Mai te mea aita e tia i te mau feia faahoro pereoo uira ia inu i te ava, tei ia vai ia te tia ia inu i te ava? I te tahi mau taime e tupu te peapea, i nia i te purumu, no te taata haere noa tei taero atoa i te ava. Na roto i to'na taerora eita oia e haaapeapea i to'na ana'e oraraa, te haapeapea atoa râ oia i te oraraa o vetahi ê ra.

Aita roa e vai nei, i te hoê taata, te tia ia'na ia faaino i to'na feruriraa e ia faahapa i to'na hiro'a maitai na roto i te inuraa i te ava taero, e na roto i te reira a faatupu ai i te peapea no te oraraa o te mau taata. Ua ta otiahia te tiamâraa o te taata hoê e te tiamâraa o vetahi ê, i roto i te amuiraa taata. Aita roa te tiamâraa o te taata e faatia nei ia haapao te reira taata i to'na hinaaro i te hamani inoraa'tu i te tahi ê. I roto i te parau-tia, eita roa te tiamâraa o te hoê taata e faatia ia'na ia haapao ore i to vetahi ê ra tiamâraa. Aita i tia i te hoê taata ia haapao i to'na iho mau hinaaro. Aita i tia ia'na ia eiâ i ta te tahi ê faufaa, to'na tura, e a ore râ, to'na ora. Aita i tia, i te tahi taata, ia rave noa i ta te tahi ê ra vahine e ia hamani ino i ta te tahi ê ra tamahine. Aita i tia i te hoê taata ia faatia i te hoê fare tupairaa puaa i nia i te mahora o te oire. Aita i tia i te hoê taata ia hoo noa'tu i te mau maa

tei faataerohia. Aita i tia i te hoê taata ia hoo noa i te opie-
mu te cocaïne, e te morphine, e a ore râ, i te tahi atu mau
raau au ore i te huiraatira, noa'tu te hinaaro rahi o te tahi
mau taata.

Tei ia vai ia te tia ia inu i te ava? Ua tia anei ia'u, te hoê
metua tane, e a ore râ, ia oe, te hoê metua vahine tei fata-
ta i te fanau, ia inu i te mau ava taero ma te ite i te mau pa-
rau a te mau feia paari tei parau mai e, e aufau te tamarii i
te utu'a, i te pae o te feruriraa e i te pae tino hoi, e no te
reira e roohia i te mau ati atoa, e te ma'i, e te pohe oioi ei
hopea no te reira inuraa ra? Aita roa i tia i te hoê metua ta-
ne ia haere i te fare mai te peretete noa, te paraparau noa,
e te tuhi e i te taparahi i ta'na vahine e ta'na mau tamarii
no to'na taero. Aita roa i tia i te hoê metua vahine ia faatae
mai i te haama, e te mau ino atoa i nia i ta'na huaai no te
inuraa i te ava. Aita atoa i tia i te hoê tamaiti, e a ore râ, te
hoê tamahine, ia faatae atu i te haama e te inoino, i nia i na
metua maitai, no te mea e taero to'na. Aita atoa i tia i te hoê
taata ia faariro ia'na iho ei taata veve, o te tauturuhia e te
nunaa atoa, no te ava. Te hau te vaiiho noa i to'na u'i apî ia
haapao ore na roto i te ohipa inuraa ava, te faaere râ oia ia'-
na iho i to'na maitai no a muri atu e te haapohe râ oia ia'na
iho.

EAHA TE HAERERAA MURE ORE I MUA?

TE ite nei te mau Feia Mo'a no te Mau Mahana Ho-
pea Nei i te hoê oaoa rahi i roto i te haapiiraa tei
na ô mai e, e tapea noa te taata, e a muri noa'tu, te mana
tei noaa ia'na i nia i te fenua nei. E tia ia'na ia haapii e a

muri noa'tu. E tia ia'na ia farii, e a ore râ, te patoi e a muri noa'tu. E mai te au i to'na raveraa i teie mau horoaraa mure ore e haere ia oia i mua, e a ore râ, e haere ia oia i muri.

Ua parau mai o Birigama Youne, ma te papu maitai: *Maua! Oia mau, e feia mau'a matou, tera râ tei nia matou i te e'a rahi no te ite mure ore tei faa'i i te ouma o te mau Atua i roto i te mau tau mure ore-... E haere noa teie ohipa i mua, teie haapiiraa te haapiihia nei i te Feia Mo'a i te Mau Mahana Hopea Nei, e mea mo'a ia, te haere noa i te rahiraa e tae noa'tu e ite tatou mai to tatou iteraahia ia hi'ohia ra.*

Ua riro te haapiiraa no te haereraa mure ore i mua ei amuiraa rahi no te faaroo Cherisetiano e no to'na feruriraa atoa hoi. I roto i te mau tau e rave rahi ua parau noa mai te mau ekalesia e, e noaa te ora mure ore i te taata; area o Iosepha Semita ra, ua parau mai oia i te taata, na roto i te Evanelia i faaho'ihia mai, i te parau no te haereraa mure ore i mua ra ma te hopea ore. Na te reira i horoa i te ra'i, tei mana'ohia i te matamua ra ei vahi nohoraa ma te himene noa i te mau arueraa, te hoê auraa papu maitai e te maitai hoi.

E riro paha, i muri a'e i to te taata parahiraa i nia i te fenua nei, e riro to'na mau mana ei mea papu e te maitai a'e i to i ônei ra. E riro paha oia e papu a'e ai i te ite e te haroaroa. Ua parauhia mai te reira ma te papu. Area te vai noa ra to'na mana ia haapao i to'na hinaaro, e a ore râ, ia vaiho noa i te reira mana. E tia paha ia'na ia haere i nia, e a ore râ, i te haere i raro. E tia ia'na ia caoa, e a ore râ, ia faaooo i te mau horoaraa a te Fatu. No reira eita to'na tapearaa i to'na mana e paruru ia'na. O Lucifera, tei teitei i roto i te mau apooraa o te ra'i ra, ua mairi roa oia i raro i te huru o Satane ra.

E mea tia roa, no te faatupuraa i te haereraa i mua, ia faarayehia te mau mana o te taata no te faatupuraa i te titauraa rahi o te oraraa nei. Ia riro oia, na roto i to'na atoa ra mau

raveraa ra, i te huru o te faito o te Fatu i te ra'i ra. O te tiaturiraa rahi a'e ia te reira e te faito hopea hoi no te oaoa tei mana'ohia e te taata feruriraa maitai. E noaa te reira, i te hoê faito huru iti, i te taata nei, na roto i te haapao-maitai-raa i te mau ture a te Fatu.

Te mau feia te faarave i to ratou mau taime e to ratou mau ite, i teie nei, e a ore râ, a muri atu, e faarahi ia ratou i to ratou ite. O te haamataraa ia te reira o te paari. Aita to te ite e hopea. Ua aifaito te vahi no te ite mai na manimani e 10 o te rima taata nei, no te mea ia amuihia i te mau amuiraa e rave rahi o te mau numera, mai te hoê e tae noa'tu i te 9, e rahi roa ia te reira. E na reira atoa hoi no te ite, ia amuihia te mau haapiiraa iti i te mau haapiiraa iti, e rahi roa ia te ite e noaa mai, ma te otia ore hoi. Eiaha te taata ia haapii noa, ia faarave râ oia i te reira ite no te tahi mau ohipa papu e te maitai hoi. Te ite te vaiiho noa hia, e maro ia te reira e te au ore hoi. Mai te mea e faa-rave-hia te ite ma te tia mau, te papu e te parau-tia hoi, i te titauraa i te titauraa rahi ra, e noaa mai ia i te taata te ravea no te haere i mua. E haere noa te ture a te Atua i nia a'e i te mau hinaaro o te taata nei.

Teie ia te haereraa mure ore i mua: te amuiraa i te parau mau i nia iho i te parau mau, ma te tamau maiteraa, no te faatupuraa i te opuaraa o te Atua no te haamaitairaa i ta'na mau tamarii tei hinaaro. E mea na reira te noaaraa mai o te haereraa i mua. Ua na ô mai o Birigama Youne e:

“ Ua navai noa ia'u to'u ite e, ua hamanihia te taata nei no te haamaitairaa ia'na iho. Te mau mea atoa tei hamanihia, te itehia nei e te ore e itehia nei, e ohipa ana'e ia ratou na te Atua, te Tamuta rahi e te Faatere hoi o te mau mea atoa, tei hamani i te mau ao e itehia nei e tei ore i itehia e tatou, tei hamani i te mau mea ora atoa e vai nei i nia i te ao nei, ia rave ratou i te ohipa i te vahi i faataahia no ratou ra.

Ia tupu te reira ua faaue oia i te mau mea atoa ia rahi e ia pû i te mau vahi atoa ra. Ua na reira te Atua Mana Hope i te faaoti i te reira ture, oia hoi, ia riro te reira ei ture rahi faa-tere o te oraraa nei. Ia tia i te taata ia haere noa i mua e mea tia ia haere atoa oia i te rahiraa i roto i te mana no te faatupuraa i te opuaraa no te ora. I reira ua haere ia oia i te huru o te Atua. E te tupuraa ia: o te haereraa ia i mua.”

Ua faaite ê hia mai na te reira haapiiraa i roto i te mau parau mo’a. I to Iesu parahiraa i nia i te ao nei ua parau papu mai oia e: *O vau te tia-faahou-raa e te ora*. I reira ua faataa maitai oia i te huru o te oraraa, noa’tu i to’na maitai e te tia hoi, e te oraraa mai te ohipa mau te aratai i te haereraa i mua. I te matamua, i roto i te parau tuatapapa o te ao nei, ua parau atoa oia ia Mose: *Teie ta’u ohipa e to’u hanahana—ia faatae mai te tahuti ore e te ora mure ore o te taata nei*. I reira ua faataa maitai faahou â oia i rotopu i te oraraa tahuti ore, te hoê ohipa te tia mau ia tupu, e te ohipa i ravehia i roto i te oraraa mure ore ta’na i parau e, o te ora.

I roto i te haereraa mure ore i mua te vai ra te mau tufaa i rotopu i te reira. Noa’tu e, e vai noa te mana o te mau varua ma te iti-ore-raa, te feia ana’e te noaa ia ratou te hanahana, i roto i te basileia turetiera ra, te farii i te mau haamaitairaa no te faarahiraa ia ratou. O te reira te haamaitairaa rahi a’e te horoahia i te feia tei rahi roa’tu i te haapii, tei rave i te mau mea maitai roa a’e, e tei tuu i to ratou mau hinaaro no te faatupuraa i te mau opuaraa a te Fatu.

Eaha ia te haereraa mure ore i mua? O te hoê ia oraraa ma te ohipa e a muri noa’tu, tei noaa noa mai te mau mea maitatai, e i te hopea o te riro mai te Atua iho i te huru. O te faito hopea mau te reira no te teitei i roto i te tupuraa.

Ua haamata te reira i roto i te mau tau i mairi a’enei, e e haere noa te reira no te mau feia parau-tia i nia i te fenua nei, e e riro paha te reira ei ohipa no te mau tau a muri atu.

Maitihia

UA HERE ANEI TATOU I TE TIAMARAA?

TE hinaaro nei anei outou i te hoê faatereraa Hau maitai?

Ia tai'o outou i te reira uiraa e maere paha outou i te iteraa i te reira i roto i te ve'a no te hoê Ekalesia. E ohipa anei ta te Hau i roto i te ohipa pae faaroo? A feruri maitai. E mea papu oe i te parau e, e mea maitai paha eiaha te taata e anoi i ta'na ohipa politita e te ohipa pae faaroo no te mea e mea maitai a'e ia faataa ê maitaihia te Hau e te Ekalesia.

E parau mau roa te reira, e mea tia roa ia faataahia te Ekalesia e te Hau. E mea papu, e ore roa te hoê taata e faatia e, na te Hau e faataa mai i te huru o te faaroo o te taata mai to te taata hinaaro ore e, na te hoê Ekalesia e faatere i te Hau.

Area râ, noa'tu e te hinaaro nei tatou ia taa ê maitai te faatereraa o te Hau e te faatereraa o te Ekalesia, te vai nei te tahi mau ture te tia ia haapaohia, i te pae o te Hau e i te pae hoi o te Ekalesia, mai te mea te titauhia nei te maitai o te huiraatira. Ua tano roa te reira i nia i te ture tumu, oia hoi, te tiamâraa, te tiamâraa o te taata, te tiamâraa o te utuafare e te tiamâraa hoi o te huiraatira paatoa. O te hoê ia ture te mo'e nei e tei vaiihohia no te hoê pae iti roa.

Te tiamâraa ra o te hoê ia ture politita. Ua rave rahi a'e nei te mau tama'i tei arohia, e te vai faahou ra paha te mau tama'i te arohia no nia i te reira. Area e ture atoa te tiamâraa no te pae haapaoraa faaroo; o te hoê ia ture tumu no te Evanelia a te Mesia. Eita roa e tia i te Evanelia ia vai mai te mea aita e tiamâraa. Hoê â atoa ia no te tiamâraa no te pae politita.

E tia anei ia parauhia tatou e, e feia faaroo mau tatou mai

te m
patu
pea
roa
piti
hia
i te

E
noa
mai
nei
puai
tou

Ia
roa
Mai
para
ruru
nei.

Te
rave
pī
tou
roo
huru
piira
ratou
i te
reira
no te
mau

E
i te n

te mea aita tatou e turu nei i te parau no te tiamâraa? Ua patuhia te Evanelia i nia i te tia i te taata ia maiti ma te pea-pea ore--te tia ia maiti te maitai, e a ore râ, te ino. Ua horoa te Atua i te reira mana i te mau taata atoa. Area te tapiti faahou nei â matou i teie nei uiraa: *E tia anei ia parauhia e, e feia faaroo mau tatou mai te mea aita tatou e turu nei i te parau no te tiamaraa?*

E piti mana e vai nei i nia i teie nei ao, te hoê o te parau noa mai ia tatou ia rave i te maitai, e te tahi o te parau noa mai ia rave i te ino. Ua tia anei ia tatou ia parau e, te taati nei tatou i te tahi a horoa'tu ai i to tatou taime, e to tatou puai, e to tatou atoa hoi au maitai i te tahi? E tia anei ia tatou ia tavini i na fatu e piti i roto i te reira huru ohipa?

Ia tia i te hoê taata ia parauhia e, e taata faaroo, e mea tia roa ia tamau papu oia i te mau parau tumu o to'na faaroo. Mai te mea e turu te mau parau tumu no to'na faaroo i te parau no te tiamâraa o te taata eita roa ia e tia ia'na ia paruru atu i te hoê raveraa te faaore i te tiamâraa o te taata nei.

Te vai nei, i rotopu ia tatou nei te tahi mau faatereraa te rave ê atu i to tatou mau tiamâraa. Te imi nei ratou i te pî-pî i roto i to tatou nei nunaa. Te vai ra paha te tahi o to tatou mau taata te mo'e ia ratou eaha mau te tiamâraa, te faaroo paha i te mau parau e te mau haapiiraa a te reira mau huru faatereraa. E riro paha ratou i te tiaturi i te mau haapiiraa e tuuhia mai. E riro paha te tahi pae i te amui atu ia ratou. E riro paha te tahi pae te parau e, te tiaturi nei ratou i te ture no te tiamâraa ei tufaa no te Evanelia, e noa'tu i te reira e tauturu ratou i te mau faatereraa te faaore i te parau no te pae faaroo e o tei faaore, i te hopea, i te tiamâraa o te mau taata te pee atu ia ratou ra.

E tufaa teie i roto i to tatou haapaoraa faaroo i te tururaa i te mau ture tumu no te Hau Farani. E riro anei tatou ei

mau feia parau mau, i roto i to tatou haapaoraa nei, mai te mea te horoa nei tatou i to tatou tautururaa i te mau faatere-raa te imi nei i te mau ravea no te faaoreraa i ta tatou faatere-raa Hau?

E tufaa te reira i roto i to tatou haapaoraa nei i te faaturaraa, e te haapaoraa e te faatiaraa'tu hoi i te ture. E mea afaro anei tatou i mua i te aro o to tatou haapaoraa mai te mea te horoa nei tatou i te tautururaa e te faaitoitaraa i tei haere na te tahi e'a ê atu.

Te faaroo nei tatou, i roto i te Ekalesia nei, te vai nei te tia i te mau taata atoa ia rave i te ohipa, ia arearea, e te tia ia haamori mai te au i to'na iho hinaaro. E mea afaro anei tatou i mua i to tatou iho Haapaoraa mai te mea te tauturu nei tatou i te mau raveraa te haamou nei i te reira tia tei ho-roahia mai e te ture?

E mea tia roa ia haapii maitai te mau Feia Mo'a no te Mau Mahana Hopea Nei i te parau no te tiamâraa. E mea tia ia haapii ratou i te reira i raro a'e i te marû o te maramarama o te parau o te Atua tei heheuhia mai. E i reira ratou e ite ai e, te haere nei te tiamâraa o te Hau, e to te taata nei, i te haereraa hœ ra. E i reira ratou e ite ai e, te mau faatereraa te hinaaro nei i te faaore i te tiamâraa, e ere ia te reira no ô mai i te Atua ra, e i te mau tau tahito ra, a afai ai ratou i to ratou upoo i nia, ua patoi-etaeta-hia ratou e te mau Perophe-ta o te Atua ra.

Te tia nei te mau Feia Faatere no teie nei Ekalesia, e to'na mau melo tiaraa maitai atoa ra, no te tiamâraa o te taata nei, no te mea, te varua o te tiamâraa ra, o te varua ia o te Mesia e o te Evanelia nei o te ture tei hau roa'tu i te maitai no te tiamâraa.

Faaauhia ei reo Tahiti e Marcel Bonnel.

NOA'TU I TE ITIRAA.

NO te faariroraa ia tatou ei Feia Mo'a maitai e mea tia roa ia faatura tatou i to tatou mau haapii hahae-re e ia haapii atu i ta tatou mau tamarii ia na reira atoa. E mea tia roa ia faatura tatou i te mau Feia faatere o to tatou Amaa. Eiaha tatou e haapeu ite ore ia ratou a parau ai ta-tou e, te faatura rahi nei tatou i te Peretiteniraa Matamua, te Tino Ahuru ma Piti Aposetolo e tae noa'tu i te mau Feia Faatere o te Ekalesia.

Te taata tei faatura mau i te Peretiteni no te Ekalesia, i roto i to'na mafatu, e faatura atoa ia oia i ta'na Diakono, ta'na Haapii, to'na Peretiteni Amaa e te mau feia faatere i roto i te reira. Eita oia e ou'a na nia i to ratou upoo no te hoê maa parau iti roa ra a haere atu ai i te Peretiteni Misio-ni no te tahi mau ohipa rii nainai roa te oti noa i te faaafaro i roto i te Amaa. Ua ite au e, te vai nei, i roto i te mau Feia Mo'a no te Mau Mahana Hopea Nei, te tahi mau taata te ra-ve oioi roa i te hoê ohipa iti, mai te mea e anihia ratou e te Peretiteni Misioni, area ra, ia anihia ratou e to ratou Pereti-teni Amaa, e a ore râ, to ratou Orometua i roto i te Amaa, eita ratou e na reira no te mea te mana'o ra ratou e e ohipa faufaa ore te reira ia rave.

Te mana'o nei au e feia haihai roa ratou, no te mea aita â ratou i haapii e i ite i te faaturaraa i te Autahu'araa a te Ta-maiti a te Atua. Aita hoi ratou i haapii i te faatura'tu i te mau taata ta te Fatu i hinaaro ia aurarohia. Ahiri e vaiiho-hia vau no te maitiraa i te hoê pūpū taata te tia ia tiaturi-hia no te raveraa i te mau mea tia i roto i teie nei basileia, e maiti ihoa vau i te mau feia te faatura i te Diakono, te Haa-pii e te Episekopo, te feia te paturu i na Autahu'araa, te iti e te rahi hoi, te feia i tiaturihia i roto i to ratou mau Amaa, eiaha ra te mau feia te rave i te ohipa ia itehia mai e te ma-

ta taata ra.

E mea papu, e na reira ihoa te mau taata atoa, area ra, e ere te mau taata atoa te haere e rave i te ohipa, i roto i te Amaa, ma te rave i te reira ma te itoitou mau no te tautururaa e te paturaa i te basileia o te Atua ma te hi'o-ore-hia e te mata taata maori ra te Fatu.

Tei roto i te reira mau ohipa rii o te oraraa nei to tatou faaiteraa i to tatou here i te ohipa a te Atua. Mai te mea ua here mau tatou i te reira ohipa, noa'tu i to'na iti, eita roa tatou e hi'o i te reira maori te raveraa no te paturaa i te basileia, noa'tu e, e itehia e te mata taata, e a ore râ, aita. Te ite nei te Atua i ta tatou mau ohipa e na'na e haamauruuru mai ia tatou, i teie nei, e a ore râ, a muri atu, no te mau ohipa atoa i ravehia e tatou i roto i te tino nei.

Papaiahia e, Aberahama O. Woodruff:

TE FAUFĀĀ RAMI NO TE TAVINIRĀĀ.

TE vai nei, i nia ia tatou atoa, te hoê tufaa no te utu'a ia faaotihia te ohipa tei tuuhia mai i nia i to tatou mau tapono e te Atua; ia rave tatou te reira na roto i to'na tantururaa, mai te maitai e oti i te ravehia e tatou; e eiaha roa tatou e vaiiho e na te tahi ê atu e rave i te ohipa tei horoahia mai, i roto i to tatou rima, e te Atua.

Te tiaturi nei au e, e riro te hoê taata maitai ei mea maitai roa a'e, ei metua tane, ei tane e ei melo no te huiraa i te Hau ta'na e parahi ra, ia riro mau oia ei taata te tamata i te tavini atu i te Atua, tei tamata atoa i te haapao i te mau ture a te Atua, tei tiaturi i te Atua e i roto i ta'na mau haamaitairaa e ta'na mau faautu'araa hoi, tei faaroo i to'na iho mana'o e tei pee atu ia'na, e tei imi, ma te mana atoa o to'na mafatu, to'na mana'o, to'na tino e to'na varua ia rave i te mau mea ta'na i tiaturi e, e paran mau e te parau-tia.

Aita vanu e mana'o nei, i te hoê noa a'e taima, aita te hoê taata i faaineine maitaihia no te tantururaa i to'na mau taata tupu, tei ore i faaroo i te Atua e i totatou Taraehara, e i roto i te ohipa Taraehara ta'na i rave i o nei. I roto i to'u iho mana'oraa o te reira te huru taata tei hau roa'tu i te maitai,

te puai e te itoito i roto i te oraraa nei, oia hoi, ia riro mau oia, i roto i te parau e te ohipa, ei Cherisetiano mau, e mai te au i te parau ta'u i hinaaro i te parau atu, te hoê Taata Mo'a, oia hoi, te hoê tavini o te Atua.

I te tahi mau taime e tupu paha te tahi mau mana'o no nia i te huru o te faatereraa; no nia hoi i te mau mana'o e tupu nei i roto ia tatou; area te tiaturi nei au e, ia feruri maite te tane e te vahine, tei farii i te hoê tufaa no te varua o te Atua, e ite ratou i te faufaa rahi no te taviniraa'tu i te Atua. E faufaa rahi te noaa mai ia tatou ia tamata tatou i te rave i te mau mea atoa ma te maitai roa ra, e ia haapii hoi i te rave-maitai roaraa'tu hoi. E faufaa rahi te noaa mai ia tatou ia haapao i ta tatou fafau. E faufaa te noaa mai i teie nei, e e faufaa rahi te noaa mai e a muri noa'tu. Ua faaite mai te Atua e, e ite tatou i te parau mau i roto i teie maramarama, e rave paha tatou i to tatou mau itoito atoa, ta te Atua i horoa mai no tatou, no te raveraa i ta'na ohipa.

E parahi noa te Atua i pihaiho ia tatou mai te mea e tamau noa tatou ia'na; e tei hau roa'tu i te reira, ua ite au e, e tia Ia'na ia haapao maitai i ta'na iho ohipa. E i taua taime mau ra, e mea tia roa ia rave tatou i ta tatou mau tufaa; ia rave tatou i te reira na roto i te here, te faaroo, te ito-ito, e i reira e apeeia ia tatou i te mau haamaitairaa o te Atua e e oti ia Ta'na ohipa.

Papaihia e George Reynolds.

TE HAERE NEI TE EKALESIA I MUA

E Ohipa Tauturu Mau.

Na roto i te ohipa tautururaa mau e te tahoêraa o te mau melo no te Amaa i roto i te Titi no Pioneer, e na roto hoi i to te hoê melo horoaraa i ta'na tufaa i roto i te hoê fenua, ua hamanihia te hoê fare ei fare parahiraa no te mau vahine ivi o taua Amaa ra, e te vahine matamua tei parahi i roto i taua fare ra o Mary Case ia, oia hoi, te metua vahine o te taata tei horoa i to'na tiaraa fenua no taua ohipa ra.

Tei roto i taua fare ra te mau mea atoa no te faaunaunaraa e no te haavitivitiraa i te mau ohipa atoa e tae noa'tu i te umu no te tamahanahanaraa i te fare ia tae i te tau toetoe. Teie ra te mea tei titauhia i te mau vahine ivi te parahi i roto i taua fare ra, oia hoi, ia haapao ratou i te mau ture atoa o te Ekalesia e tia'i.

Te Evanelia i Rotopu I te Mau Initia.

I roto i te mau ve'a no te ava'e Setepa i mairi a'enei te faaitehia ra ua bapetizohia 18 Initia, i roto i te Ekalesia nei, i roto i te hoê tufaa fenua tei parahihia e ratou ra, e e 9 no roto mai i te tahi atu tufaa fenua. I teie atoa mau ava'e ua haamatahia, e ua fatata roa i te oti, te fare pureraa matamua tei faatiahia no te mau Initia i te tufaa fenua i Arizona, e ua topahia taua fare ra i te i'oa ra *Te Fare Ofai*.

E Vahine Huaai Rahi Mau.

I roto i te hoê ve'a no te 4 no Setepa i mairi a'enei ua faaitehia te hoho'a o te hoê vahine ruau, o Martha M. Lindsay, tei tae to'na matahiti i te 82. Teie ra te vahi rahi faahiahia ia'na, oia hoi, te rahiraa o to'na huaai. Ua fanau oia 16 tamarii, e 7 tamaroa e e 9 tamahine, e i teie nei, i te 82 raa o to'na matahiti te ora nei to'na e 103 mootua e 111 hina, e ia amuihia e 220 ratou atoa. Te ora nei te taatoaraa o ta'na mau tamarii maori ra te hoê tamahine tei pohe ma te vaiiho mai e 4 tamarii. E teie te parau a teie nei vahine ruau, i to'u iho ite, tei roto paatoa ta'u mau huaai i te Ekalesia nei, maori ra te hoê noa iho utuafare.

Ua Tahoê Mau Ratou.

I roto i te hoê ve'a no te 4 no Setepa i mairi a'enei ua faaitehia te hoho'a no te Peretiteniraa no te Amaa no Canyon Heights, e ta ratou mau vahine o te tapea ra i ta ratou mau ai'u fanau apî. Teie te vahi maere mau, ua fanau teie mau vahine i roto i te hoê area poto roa, oia hoi, e toru hebedoma, e e mau tamahine ta ratou tei mairihia i te i'oa hoê ra, oia hoi, o Ann, ma te faaaau-ore-hia e ratou te parau. E te vahi maere roa'tu, e 26 matahiti i mairi a'enei, ua fanau-atoa-hia te pueraa metua tane i taua vahi mau iho ra e ua paari ratou i reira.

I Te Fenua Tapone.

I roto i te hoê ve'a no te 11 no Setepa i mairi a'enei te faaitehia ra te hoho'a o to tatou Aposetolo ra, o Mataio Cauri, i rotopu i te mau Orometua, e te mau melo tahito tei tamau noa i roto i te Ekalesia, e vai nei i te fenua Tapone. I roto i te reira parau te faaitehia mai nei e, ua mairi te 135 melo mau i roto i te Ekalesia i teie nei, e ua rahi roa'tu te mau taata te haere nei i te mau putuputuraa o te Ekalesia i taua fenua ra i teie nei. Ua oti faahou te Fare Orometua i te tataihia e ua tomohia te reira i roto i te ava'e no Tiurai i mairi a'enei. Tei roto i taua Misioni ra 14 Haapiiraa Sabati, e 5 Paraimere e e 4 Pupu Feia Apî. Na te reira e faaite mai te haere nei te ohipa a te Fatu i mua i te mau vahi atoa o te ao nei.

Marcel BONNET Gérant et Imprimeur, Papeete, Tahiti.
